

# Informacije wjesnjanosty - 16.04.2026

**1. Přichodne posedženje gmejskeje rady** wotměje so štwórtk, dnja **21.05.2026, 19:00 hodž** we Smječkečan wohnjowej woborje „Elsa Brändström“.

## **2. Gmejna Worklecy – nadržny wobchad**

Wokrjes Budyšin je při křižowanišću „**Šulska dróha – Hłowna dróha - Michał-Hórnikowa-dróha**“ we Worklecach wobchadny špihel natwarił. **Wutrobny džak** Sopic swóbjje, na kotrejž ležownosći je so špihel nastajić směł.



## **3. Serbska wyša šula “Michał Hórnik” Worklecy**

Volejbulowe mustwo **starobneje klasy II** Serbskeje wyšeje šule “Michał Hórnik” Worklecy je sej pola wubědžowanja „Młodžina trenuje za olympiju“ titul „Sakski mišter“ wudobyło - **wutrobna gratulacija!**

Nětko tłóčimy mustwje palcy za zwjazkowy finale w Berlinje - **wjele wuspěcha!**

#### **4. Pěstowarnja „K Wódnemu mužej“ Worklecy**

Dnja **15.04.2026** wotmě so kóždolětna tradicionalna „rjedženska akcija“ w našej pěstowarni.

Při tym je so pěšk napjelnił a krosnowanski nastroj dósta nowu lasuru. Zahroda a zelenišća su so za nalěčo spřihotowali. Nowa ławka, darjena wot firmy Ziegler ztzwr je so natwariła.

W mjenje gmejny Worklecy **wutrobny džak** wšěm pomocnikam, staršiskej radže, sobudžěłaćerjam pěstowarnje a Romanej Krawcej jako sobudžěłaćerjej twarskeho dwora za jich džěło.



#### **5. Tradicionalne chodojtypalenje w gmejnje Worklecy**

Dowožowanje hałuzow za chodojtypalenje dnja **30.04.2026** je w jednotliwych wjesnych džělach wot **póndžele**, dnja **27.04.2026** dowolene. **Wotedaće korjenjow njeje dowolene!**

Nowa měštnosć za chodojtypalenje we Worklecach so wot gmejnskich džěłaćerjow woznamjeni.

## **6. Kupa komunikacije, kreativity a kultury- Michał Hórnik, Worklecy**

Wjesna skupina CDU a młodźina stej zhromadnje na kupje mobilny stejak za meju natwariloj. **Wutrobny dżak** wšëm pomocnikom, wjesnej skupinje CDU a Worklečan młodźinje.



## **7. Młodźinski klub Worklecy**

Młodźinski klub dóstanje za swój projekt „Přichod za wšěch – inkluziwno modernizowanje a sanitarne powjetšenje młodźinskeho kluba Worklecy“ w ramiku „**regionalneho budgeja we wjesnych kónčinach 2026**“ wot OHTL finančnu podpěru **we wysokosći 80 %**. Swójski podźěl **20 %** njese młodźinski klub sam. Cil projekta je inkluziwno modernizowanje sanitarnych naprawow a porjeńšenje wonkowneje ležownosće młodźinskeho kluba.

# Młodostni gratu so přimali

## Problem wopłóčkow we Worklečanskim klubje rozrisany

**Worklec** (SN/jp). Zetkanišćo Worklečanskeho młodžinskeho kluba njeje wjac najnowše. W containerach blisko šule su so swój čas hižo starši džensnišich młodostnych schadźowali. Tuž maja tež sanitarne připrawy swoje najlěpše lěta za sobu a młodžina je z nimi zašty čas tójšto wušpa-

ranjow měta. Lětsa mějachu za to trěbne pjenjezy nahromadźene a tuž su prózdni-ny wužiwali, zo bychu nuznik ponowili.

12000 eurow běchu za to z regionalneho budgeta pod heslom „Přichod za wšěch“ Hornjołužiskeje hole a hatow dóstali. 3000 eurow dyrbeše młodžinski

klub ze swojskeje kasy přidać. Workleč- njo pak njesmědźachu naprawu cyle po swojim dobrozdaću přewjesć: Puć na nuznik měješe bjez zadźěwkwow móžny być. Pola zawoda z Badensko-Württem- bergskeje skazachu tuž containerowy nuznik, kotry ma prawu wulkosć a bjez- barjerny přistup.

Ale tež wopłóčkowy kanal bě wobškod- zeny a dyrbeše so ponowić. Wopłóčki njejsu hižo wotběželi a rola běše stajnje zaso zatykana. Tak su wčera na šulskim dworje, pod kotrymž wopłóčkowy kanal leži, z bagerom hrjebju hać ke klubej wur- ryli. Z podpěru Roberta Brězana su ju wuzběhnyli, nowu rolu do njeje položili a hrjebju zaso začinili. Stara rola, kotraž leži runje pod twarjenjom horta, wosta- nje w zemi. Město njeje zarjadowachu nowy kanal. Z tym móžachu njetřebaw- še kóšty zalutować.

„Hižo před dwěmaj lětomaj smy na- pravu jako klub planować započinali. Ja- ko smy problem z wopłóčkami zwěsćili, smy sej prajili, zo dyrbimy to tak spěšnje kaž móžno zradować“, rozprawja před- syda kluba Gabriel Šuster. W decembrje bě so faza přihotow zahajila. Nětko mó- žachu problem wopłóčkow w běhu třoch dnjow rozrisać. Nimo toho su drjewo wo- barbili a płoninu před klubom znowa wuplestrowali.



Na Worklečanskim šulskim dworje su wčera za wjesny młodžinski klub nowy wopłóčkowy kanal kładli. Wječor bě wšo hotowe. Foto: Julius Paška

## 8. Terminy a pokiwy

**12.05.2026, 18:30 hodź** – šulska konferenca zakładneje šule „Michal Hórnik“.

**09.06.2026, 19:00 hodź** – zhromadźizna Zarjadniskeho zwjazka „Při Klóšterskej wodze“ w Pančicach-Kukowje.